

FT  
2599  
S25  
W3

the  
university of  
connecticut  
libraries

University of Connecticut ~~Library~~  
Storrs, Ct.

hbl, stx

PT 2599.S25W3

Wahrsager :



3 9153 00528418 9


PT/2599/S25/W3

University of Connecticut Library  
Storrs, Ct



# DER WAHRSAGER.

Ein altösterreichischer Bauern-  
schwank in einem Aufzuge von  
**Moriz Schefranek.**



Erdgeist-  
Wien

Verlag  
1909.

PT

2599

S25

W3

# DER WAHRSAGER.





## Personen :

Peterl

Die Wittib

Rainer

Zeisig

Der Graf

Der Bürgermeister

Verwalter

Pächter

Wirtschafterin

Magd

Knecht

} Gesinde des Grafen.

Spielt um das Jahr 1830 in einem österreichischen Dorfe.

Böhlen und Vereinen gegenöber Manuskrift.

Sämtliche Rechte einschließlich des Übersetzungs- und Aufführungsrechtes  
vorbehalten.

Eine Bauernstube mit drei Türen und einem Fenster. Die Mitteltüre und das Fenster daneben führen auf die Straße, die Türe links in die Schlafstube, die rechts in die Küche. Der Raum enthält außer den üblichen Möbeln, wie Schränke, Tisch, Bänke und Stühle, ein Pult, welches links in einer Nische steht und ist mit Bildern, die ungerahmt an den Wänden kleben oder haften, ausgestattet. Das Pult ist mit einem roten Tuche bedeckt, welches über den Boden reicht. Auf dem Pulte liegt ein dickes, abgegriffenes Buch mit Leder-Einband. Ein Vorhang, welcher zurückgeschlagen ist, dient dazu, die Nische nötigenfalls zu verdecken. In der Ecke rechts steht ein großer Ofen mit Röhren zum Warmhalten von Speisen. Längs der Wand dabei eine Bank.

## Rainer

(ein junger Bauer tritt durch die Mitte ein, zieht den Hut, blickt sich um und sagt zu sich)

**Neamd do ?**

(geht zur Türe links und spricht laut)

**Gun Murgn wintsch i.**

(Klopft)

**Peterl !**

(Hört)

**Peterlbauer, hörst, kimm außi !**

(Innen wird ein unwirsches Brummen hörbar)

**I bins, da Rainerbauernbua ! Mei Voda schickt mi her —  
sullst ma gschwind wohrsogen !**

(Innen Brummen und Poltern)

No, no — quit is — so wort i holt. I waß scho —  
braudist zwegen dem net glei zgreina — i wort scho.

(Geht gegen die Mitte, kehrt aber wieder um und spricht an der Türe)

Peterl, hörst, s Göld hon i glei mitbracht — dreißg  
Graiza san do gmui? Wagt, weils nur a Hohn is.

(Innen Brummen und Poltern)

Olsgern wort i holt.

(Er setzt sich auf die Bank rechts)

**Zeisig**

(ein älterer Mann tritt durch die Mitte ein. Er hat eine Pfeife im Munde  
und spricht mit schwerer Zunge. Von Zeit zu Zeit rülpst er)

Grüß God, Rainerbauernbua.

**Rainer**

Grüß God, Zeisigbauer. Kimmstn a ausfrogen?

**Zeisig**

Jo. Drei Hasenhäutl san ma wegekema. Hons ganze Haus  
ogsucht — net zan finda.

Rainer

Seit gestern faillt uns unsa Hohn.

Zeisig

Wos für a Hohn denn?

Rainer

Na, da Kigrigihohn.

Zeisig

Ah, da Kigrigihohn?

Rainer

Jo, da beste von olle, de ma no ghobt hom.

Zeisig

Zwegen wos is er denn da beste?

Rainer

Doreh homma zu unsre zwaradreißg Heana siem Hohna  
ghobt un hon net su vül Oar kriegt ols hiazt, wo ma  
nur siemzehn Heana un drei Hohna hom.

Zeisig

Bei zwaradreißg Heana un siem Hohna keman net so vül

Heana auf an Hohn, ols bei drei Heana un siemzehn Hohna  
— na Heana — do Hohna —

Rainer

Na, Heana. No, redn das aus!

Zeisig

Is ma zschwar.

Rainer

Un von de drei Hohna is uns da beste in Valur gonga.

Zeisig

Leidt san ehm de siemzehn Heana net gmui gwest un  
er hot si an ondern Hof aufgsucht. Wor leidt a türkscha  
— da Hohn.

Rainer

Hom nodigschaut — net zfinda. Drum hot mi da Voda  
zum Peterl gschickt, daß er ma wohrsogen sull, wo da  
Hohn hinkema is.

Zeisig

I wülln a ausfrogen um meine Hasenhäutl.

(Geht zur Türe links)

Hörs Peterl! Mir failn drei Hasenhäutl, sul st ma wohr-  
sogen, wo s' san.

(Innen wieder Brummen)

(Klopft)

Kimm nur auß! I hon ka Zeit zworten. A hon i da wos  
zsogn, wos dar a Göld eintrog kon. Hörs Peterl, wullta  
vil Göld?

Rainer

Loßn, s nutzt da nix — er kimmt net auß.

Zeisig

Wo is denn sein Wei — de Wittib?

Rainer

Wird wul net daham sein.

Peterl

(ein flinkes Männlein mit hastigen Bewegungen. Er hinkt auf dem linken  
Fuße, jedodi nidt sonderlid merkbar, nur wenn er es nötig findet, läßt er  
es deutlid merken. Seine Redeweise ist übersprudelnd rasch.)

God erborm, God erborm, net amol sein Rua kon ma

hom! I mog net — i wüll net — i kon net — i bin a  
kronga Mon un brauch mein Rua! Schauts daß weiter-  
kimmst! Loßts enk wohrsogn, von wems wöllts!

(Er hat die Gewohnheit, redend auf und abzulaufen)

Rainer

Sullst ma wohrsogen, wo unsa Hohn hinkema is.

Zeisig

Un meine drei Hasenhäutl.

Peterl

Sudts enks — hults enks! Da Deixel wirts wissen, wos  
san — i waß nix — i hon nix — i kon nix — i bin a  
orma kronga Mon — God erborm, gebts obacht auf enkre  
Sodien, brauchts kan Wohrsoga. flußijogen — außijogen  
wir i enk.

Rainer

Do san de dreißg Graiza. Es is freill net vül, oba weils  
nur a Hohn is —



## Peterl

Schau daß d weitakimmst mit dein Göld! Nix waß i —  
nix — nix — nix! I bin a orma kronga Mon — kon net  
essa — net trinka — net schloffa. — Schauts daß  
weitakimmst!

## Zeisig

Wos i da sogen hon wölln, Peterl, im Gschlouß oben is  
wos passiert. Es kon seln, daß di da Gschloußherr rufa  
lossen wird. Er braucht di, hon i ghört.

## Peterl

God erborm, des hot ma grad no gfaillt. I hons jo olla-  
weil gsogt, dron geh i zgrund — zgrund geh i on mein  
Ölend!

## Zeisig

Des kon dar a schöns Göld eintrogen, wonn si da Gschlouß-  
herr wohrsogen loßt.

## Peterl

n Tod wirts ma eintrogen — n ölendigen Tod! I bin a  
orma kronga Mon, i hon nix — i bin nix — i kon nix!

Rainer

Olstdern Peterl, wos is mit mein Hohn?

Peterl

I waß nix! Wia oft sull is enk no sogen!

Zeisig

Les nur in dein Büchel noch — do wirds scho drinnat stehn.

Peterl

I kon net, hon i gsogt. Kimmts a andersmol, i kon hiazt  
net! Wonn an da Herrgod im Zurn mit an Milzbrond  
gschoffa hot —

Rainer

Is denn de Deinige — de Wittib net daham?

Peterl

Na neamd — gor neamd is do. Gehts — gehts — gehts!  
I kon net — hiazt hot er mi, da Brond — sedts es do!

Zeisig

Jo, oba meine drei Hasenhäutl

## Peterl

Späda — späda — kimmts späda — hiaz kon i net —  
do brennts mi — do stichts mi — do reißts mi — God  
erborm — God erborm!

## Rainer

I hätt's holt gern glei gwißt, wonn di oba da Milzbrond  
reißt, so kimmi i holt späda. Gehst mit, Zeisigbauer?

## Zeisig

Jo. Pflüß God daweil, Peterl. Schau daßd wieda auf  
zredit kimmst.

(Beide Mitte ab)

## Peterl

rennt noch eine Weile herum, dann geht er zum Ofen, öffnet die Röhre und  
zieht einen Topf hervor, guckt hinein, schiebt ihn wieder zurück, zieht einen  
anderen hervor, guckt hinein, hält ihn, seinen Inhalt nicht erkennend, gegen das Licht,  
taucht den Finger ein und leckt ihn ab, nicht befriedigt, stellt ihn auf den  
Tisch, nimmt aus der Tischlade einen Löffel und beginnt mit Behagen zu essen.

Marüllen, guit — ah! — A bissel zweng zuckert — wern  
ma glei nachhelfen.

(Geht zum Schrank und kratzt darin)

Wo hot denns Wei —? Ahn do is scho — Bröselzucka

— guit is.

(Nimmt eine Döte heraus und geht, sie öffnend, zum Tisch, kostet vom Inhalt)

God erborm — a Solz.

(Kramt wieder im Schrank)

Jo, wo hot denns Wei n Zucka hinton? Da kunnt ma do  
glei — ! I sogs jo — wonn a Wei wos tuit! Nix do —

ka Zucka — i findn net —

(Schlägt den Schrank zu)

Sauwirtschaft übranond!

(Setzt sich zum Topf und ißt)

Guit warens, nur zweng süaß — o weh, o weh — is des  
an Ölend auf da Welt! — Saua sans — hu — hu —  
hu — I orma kronga Mon, muß i do de sauern Marüllen  
essa, God erborm, God erborm!

Die Wittib

(ein kräftiges Weib, über dreißig, tritt durch die Mitte ein)

Schleckst sdio wieda? Host es net erworden kinna?

Peterl

Saua sans. Wo host denn n Zucka hinton?

Wittib

Is gmui drinnat. Weils net umgrührt san.

(Rührt mit dem Löffel im Topf)

Is wer do gwest?

Peterl

Jo, da Rainerbauernbua un da Zeisigbauer.

Wittib

Nau?

Peterl

Nau! Was frogst denn so dumm? Dem an hätt i sogen  
sulln, wo ehna Hohn hinkema is, dem ondan, wo seine

Hasenhäutl san. — Is scho gmui!

(Entreißt ihr Topf und Löffel und ißt)

Wittib

Host es weggschickt?

Peterl

Was hätt i denn tuin sulln? Hon i denn eppas gwißt?

Host ma denn eppas gsogt?

Wittib

Wonn hätt i das denn sogen sulln?

Peterl

Häst Zeit gmui ghobt seit gestern.

Wittib

Seit gestern?

Peterl

Failens ehna.

Wittib

Dumms Gred!

Peterl

So homs gsogt.

Wittib

Wonn i erst heunt um dreie in da Fruah dazuikema bin.  
Beim Rainerbauern schloß da Knecht im Stoll, wo de Heana  
san. Hon i worten müssen, bis s außikema san. Wor ma  
eh net leidit, den Hohn zfonga, su a Sakra!

**Peterl**

Wo hostn denn hinton?

**Wittib**

Wor ma schwar gmui, des auszspekuliern! Beim Kroma  
im Schupfen stengan drei laare Kisten. In da zweiten bei  
da Wond hint is er. fm Deckel san zwa Ringel aufgmolen.

Daßd mas net wieda vagißt!

**Peterl**

Ah, des mirk i ma scho. Un de Hasenhäutl?

**Wittib**

De liegen im Kölla vom Gschwandtner, hons bei da Lucken  
einigschmissen.

**Peterl**

Gut is. Daßd oba lauta su klane Sodian —

**Wittib**

Klane Sodian! Moch das selba, wonnst manst, daß su  
leicht geht! Es is do net wia voreh, wo de Leut ka Tür  
zuigspirrt hom. Seitdem ehna de Sodian wegkeman, gebens  
holt mehr obadit.

Peterl

De Wölt wird holt mit jeden Tog schlechta, God erborm.

Wittib

De leut san do net narrisch, daß sa si de Sodien weg-  
nehma lassen.

Peterl

Wegnehma! Se kriegens do wieda zruck.

Wittib

Oba zohlen müssens do dafür, net?

Peterl

(erregt) No, i muß do a leben! Oda manens, i wir a Narr  
sein un umasunst wohrsogen? Es trogt eh nix mehr.

Wittib

Is eh an Ausnahm heunt, daß i wos dawischt hon, wos  
si auszahlt.

Peterl

(horcht auf)



Wittib

Wia i am Postmasta sein Haus vurbeischleidi, siech i am  
Fensterbrettel wos liegen. Wia hinglegt zan aufziziegen.

A Zipf hot obighängt, pockn und —

Peterl

(gespannt) Na und —? Wos wors?

Wittib

A Leibl, a gelblederns Leibl vum Grofen.

Peterl

Vum Grofen?

Wittib

No — da Postmasta is do ind Stodt gfohren — net?

Peterl

Und daweil — ah? God erborm — God erborm — no  
jo — sauba is!

Wittib

Net umasunst, daß beim Kirchgong so hochfohret is.

Peterl

Derfs schon, wonns a so is.

Wittib

Zerscht hon i mas net recht zglauben traut. Greif ind  
Toschen eini un zieg a Uhr augi, gulden mit an Schweindl  
dron. Hiazt hon is gewißt, das da Grof is.

Peterl

(gierig) A Uhr — a guldne Uhr? Was host denn ton damit?

Wittib

Beim Gortentürl hinterm Buschen hon is vasteckt.

Peterl

Gut is! Des zohlt si aus. Unter zehn Gilden sog is net.  
Host Glück ghobt heunt.

Wittib

No jedsmol, wonn i zan heiligen Leonard bet hon.

Peterl

Der is do oba da Schutzpatron fürs Viedl.

Wittib

Drum hon is a zerscht beim Raina prowiert.

Peterl

Da Hohn zohlt si net aus. Dreißg Graiza —

Wittib

Hon i ma a denkt. Erscht wia i d Uhr ghobt hon, hon i  
gsegn, daß Beten net umasunst wor.

Peterl

De Uhr?

Wittib

No, weil do on da Ketten a Schweindl hängt.

Peterl

Ahan! Jo, da Leonard is do no a Heiliga, auf den ma  
si valossen kon. — Holt, do follts ma ein, da Zeisig hot  
wos gsogt vum Grofen.

Wittib

Wos denn?

Peterl

Daß ehm wos wegekema is. — De Uhr wird wos eintrogen!

Wittib

Des kon net sein. Is do ka Stund no her, daß gschehn  
is. Es kon no net unter d Leut sein.

Peterl

Da Zeisig hot oba gsogt —

Wittib

Der waß jo net, wos er redt. Er is jo ollaweil bsoffa!  
Und dann — i glaub gor net, daß da Grof noch da Uhr  
frogen wird.

Peterl

Net fragen? — A guldne Uhr — !

Wittib

Wonn er net hom wüll, daß aufkimmt!

Peterl

Jo donn — donn kimm i do um mein Zehna!

Wittib

Hon i ma a denkt, daß leicht aus m Wohrsogen nix wird  
un bin wieda zruck zan Gortentürl.

Peterl

Um d Uhr?

Wittib

(nickt)

Peterl

Du host es? — Bei dir?

Wittib

Nimmst es, hon i ma gsogt. Sullt er fragen, is no olla-  
weil Zeit zan Vastecken.

Peterl

Ahan — no jo — is a wohr. So wos kon ma schon tuin  
— is jo nix Unrechts. Ma homs holt in Vawohrung —  
no jo. — Wonn di nur neamd gsegn hot!

Wittib

Hätt net vül gfaillt. Grod daß is eingsteckt hon, ruft mi  
wer on.

Peterl

Ah — wer denn?

Wittib

Drah mi um, is da Burgamasta.

Peterl

Am End hot er was gmirkt. Was hot er denn gsagt?

Wittib

Daß er im Omt wor und —

Peterl

Est! Do sans scho! — Gib auf d Uhr obacht!

Wittib

Des brauchst du ma erscht zsogen!

(Wittib rechts ab.)

Rainer und Zeisig treten durch die Mitte ein.

Rainer

No, wos is, Peterl, kemman ma zrecht?

Zeisig

Meine drei Hasenhäutl —

## Peterl

(rennt wieder herum)

God erborm, es is a Kreuz auf da Wöllt! Wos tats denn,  
wonns mi net hättts? Um de leidigen poor Graiza muß  
ma si schinden und plogen un wos hon i davon?

## Rainer

Dreißg Graiza, weils holt nur a Hohn is.

## Zeisig

Göld hon i kans. s Wei bringt da noch a Milli un Oar,  
hon i ihr gschafft.

## Peterl

Wos fong i denn on damit. I bin a orma kronga Mon —  
kon net schloffa — net essa — net trinka — da Wein  
is no s anzige, wos mi daholt — an Wein brauch i, ka  
Milli!

## Zeisig

So schick i da holt a Plützerl Wein her.

## Peterl

God erborm, wos wollts denn wissen? Wo da Hohn is  
un de Hasenhäutl? — I sogs jo, wonn i net war —  
wonns mi net hätt's! — Des' Wohrsogen — wonn i nur  
des schon los war — do setzts enk her — des rich't mi  
no zgrund — un loosts auf! — God erborm, denn wonns  
auf mi kimmt, hör i nix — siedt i nix — gspür i nix  
— riedt i nix — God erborm, do stidts mi — do reißts  
mi — do zwickts mi — do beißts mi — halts es Mäul  
un loosts auf!

Rainer und Zeisig setzen sich rechts auf die Bank.

## Peterl

macht sich beim Pult geschäftig, indem er das Ende des Tuches, welches  
am Boden liegt glättet und die Ecken zurückschlägt. Dann fährt er unter  
wunderlichen Gesten mit den Händen übers Pult, verbeugt sich einigemal,  
küßt den Deckel des Buches, hüllt seine rechte Hand in einen Zipf des Tuches  
und schlägt damit den Deckel auf, fährt wie geblendet zurück, bedeckt seine  
Augen, dann streckt er die Hände abwehrend aus, blickt wie verklärt in die  
Höhe, verharret so eine Weile, dann blättert er wieder, stützt den Kopf in  
die Hände und starrt ins Buch. Nach einer Weile wendet er sich um und  
zieht rasch den Vorhang zu.



Zeisig

Des Wohrsogen is net leicht.

Rainer

Jo, wos glaubst denn! Wos er net olles tuin muß, bis  
daß da Geist kimmt.

Zeisig

A Geist?

Rainer

No, der ehms eingibt, wo er is.

Zeisig

Wer?

Rainer

Mei Kigrigihohn.

Zeisig

Ahan — un meine Hasenhäutl.

Peterl

(hinterm Vorhang beginnt mit einem unverständlichen monotonen Gemurmelt,

in welches sich das Geräusch des raschen Umbälterns mischt. Allmählich  
wird folgendes verständlich:)

God erborm, God erborm, i orma kronga Mon — Purza-  
wies — des is gwiß — kon net essa — net trinka —  
net schloffa — Paragrum — rundumatum — Rainabauer  
— Kigrigihohn — Diridus — weils sein muß — glei da  
erschte — Diridus, da erschte! Glei wern mas hom!

(Murmeln, Blättern)

God erborm, God erborm — Purzawies, des is gwiß —  
beim Kroma — Paragrum — rundumatum — im Schupfen  
— Diridus — weils sein muß — in da Kisten mit de  
Ringel am Deckel — Diridus — is er drinn. Ferti mit m

Erschten! (Murmeln)

Rainer

Hostn vastonden?

Zeisig

Wonn ma recht is, hot er vun ana Kisten gredt. Do is er  
drinn, da Diridus.

Rainer

Ma hom do ka Kisten?

Peterl

(reißt den Vorhang auf und schreit heraus)

Odisen übranond!

(reißt den Vorhang wieder zu)

Nurzawies — Diridus — (sehr laut) beim Kroma! — Paragrum — Diridus — (sehr laut) im Schupfen! Ferti mit m  
Erstditen!

Rainer

Beim Kroma im Schupfen?

Zeisig

Sogt da Diridus, jo.

Peterl

(Murmeln und Blättern)

Diridus — da Zweite! (Murmeln) Jo — jo — zwa Hasen-  
häutl —

**Zeisig**

(laut) **Drei!**

**Peterl**

Halts Mäul! Purzawies — Paragrum — zwa Hasenhäutl  
un no ans san drei! — Diridus, im Kella beim Gschwandtna!

God erborm, ferti mit m Zweiten!

**Zeisig**

Wos hot er gsogt?

**Rainer**

Im Kella beim Gschwandtna.

**Peterl**

(kommt hervor)

fluweh, auweh, des richt mi zgrund! Zwegen der leidigen  
poor Graiza — wo sans denn?

**Rainer**

(legt die Münzen auf den Tisch)

Do san de dreißg Graiza.

Peterl

God erborm. Sulltats God donka, daß er enk an Mon  
wie n Peterl geben hot. Wo is da Wein?

Zeisig

Zerscht schau i in Gschwandtna sein Kella.

(Will ab)

Peterl

Host net voreh wos vum Grofen gsogt?

Zeisig

Jo, da Knedit hot ma gsogt, daß di da Grof huhn lassen  
wird, weil ehm wos wegekema is.

Peterl

Wos is denn?

Zeisig

Hot er net gsogt. Es kon da a Göld eintrogen.

Peterl

Schon redit.

( Rainer und Zeisig Mitte ab. )

**Peterl**

( eilt zur Türe rechts )

**Hörst Wei, kimm eini !**

**Wittib**

( mit einem Korb )

**Wos is denn ?**

**Peterl**

**Gschwind, Du mußt de Uhr do vasteckn. Da Grof wüll mi  
ausfrogen.**

**Wittib**

**Wer hots denn gsogt ?**

**Peterl**

**Da Knecht vum Gschlouß. Da Grof wird mi huln lossen.  
Gib mas Kirchgongsgwond außi. Daweil i auffigeh, vasteckst  
es beim Gortentürl.**

**Wittib**

**Hon eh an Weg hin — muß zan Burgamasta.**

Peterl

Zwegen was denn?

Wittib

(geht zum Ofen, nimmt aus der Röhre einen Kuchen und packt ihn in den Korb)

Ma müssen uns wieda bei ehm einstellen, damit er uns  
nix nachtragt.

Peterl

Nachtrag? Was kon er denn —?

Wittib

Host schon wieda vagessa, was er gsagt hot?

Peterl

Üba mei Wohrsogen? Des war nur so gredt.

Wittib

Freili was denn! Es kimmt ehm net gonz richti vur, des  
Wohrsogen — im Omt drinn hättens a schon davon ghört  
und si bei ehm ongfrogt, was denn dron is und er sull  
ehna Pescheid geben.

Peterl

Des is nur so gredt.

Wittib

Manst denn, er hätt a Rua geben, wonn ma uns net mit  
de Würscht bei ehm eingestellt hätten? Und heunt hot er  
wieda davon gredt. Do bring i ehm holt an Wein, a  
Häferl Grammeln und n Guglhupf.

Peterl

Wos, Grammeln a?

Wittib

Weil er de gern hot.

Peterl

Ans war gmui — den Guglhupf kinntast —

Wittib

Nix do — wonns auf di onkamet!

(Stellt den Korb zum Ofen und wirft dabei einen Blick zum Fenster hinaus)

Wer kimmt denn do?



## Peterl

(eilt zum Fenster)

Da Dawolta un da Pochta vom Gschlouß. De kerman mi  
huln. Gschwind, gib mas Gwond auß!

(Peterl und Wittib links ab)

Verwalter und Pächter treten durch die Mitte ein.

## Verwalter

Do warn ma. Daweil sieh i Neamd. Er wird net daham sein.

## Pächter

War ma no am liebsten.

## Verwalter

Brauchst ka Ongst zhoben.

## Pächter

Wonn ers oba do darrot?

## Verwalter

War bös — war bös! — Oba i glaubs net.

## Pächter

De leut sogen oba, daß er an Geist hot, ders ehm  
eingibt, wos Gstuhlene liegt.

## Verwalter

Nau? Sogt ehm da Geist oba a, wers Gstuhlene gstohlen hot? No siegst es! Un des is do für uns de Hauptsodi. Denn wonn ers a darroten sullt, (leise) wo de dreihundat Guilden san — i glaubs oba net — so erfahrt da Olte no ollaweil net, wias do hinkema san. Un des is de Hauptsodi.

## Pächter

Für di, jo! Bei mia is oba ondersch. Denn wonn er darrot, daß da Howan stofft in da Gschloußkomma am Veitel sein Boden liegt, so waß da Olte schon, wern zan Veitel brocht hot.

## Verwalter

Noch m Howan frogd er net. Er will nur wissen, wo de dreihundat Guilden san.

## Pächter

Est!

Wittib

(tritt von links ein)

Verwalter

Ah, do is jo de Wittib. Wo is denn da Peterlbauer?

Wittib

Worum? Wos is denn?

Verwalter

Da Gschlougherr häßt ehm wos zsogen.

Wittib

Gnoden, da Herr Grof? Is gwiß nix guits?

Verwalter

Wia mas nimmt. Er sull ehm wohrsogen.

Wittib

Wos is denn gschegn?

(Geht auf den Korb zu)

Verwalter

Dreihundat Guilden san ehm wegekema.

Wittib

(hält inne, überrascht)

Wos?

Verwalter

Drei Hundata, jo. Er wirts wol valegt hom und waß  
holt net wo.

Wittib

Dreihundat — Gilden?

Pächter

Valegt hot ers, so wirts scho sein.

Verwalter

Er is jo do scho an olta Mon und waß holt nimma redt,  
wos er tuit. Es is ehm des scho öfta passiert, daß er  
wos valegt hot.

Pächter

Freili wol, scho öfta. Neuli erscht, seine Hondschuch — waßt.

Verwalter

Podienda hot ers holt wieda gfunden.

## Bächter

So wirts a hiazt wieda sein.

## Verwalter

Weil er oba ghört hot, daß dei Mon wohrsogen kon, so  
möcht ern holt ausprowiern. Olsdern sog dem Peterl, daß  
er auffikema sull aufs Gschlouß.

## Wittib

Jo — oba — mei Mon — do muß i erscht — aufs  
Gschlouß, sogts — des geht net — des kon er net — er  
is jo krong.

## Bächter

Krong is er? Wos faillt ehm denn?

## Wittib

(macht sich bei der Türe links geschäftig, um unauffällig den Riegel  
vorzuschieben)

n Milzbrond hot er.

## Verwalter

Den Milzbrond? Ui — ui — ui des is a schware Krongheit.

### Pächter

Nau, i mans a! De reißt darn stirksten Ochsen zsamm.

### Verwalter

Do kon ern Weg aufs Gschlouß net modia.

### Wittib

Freili net.

### Pächter

Des wern ma unserm Herrn sogen. So wos kon ma net  
valonga von an Mon, dern Milzbrond hot.

### Verwalter

Jo, des is gor a schware Krongheit! Er wirds a net long  
mehr modia, des kon i enk scho sogen.

### Pächter

Do derf ans net aus m Bett, vasteht si. Do kon er freili  
net kema. Des wern ma scho ausrichten.

### Wittib

Jo, sogts es dem Herrn Grofen, daß so schlecht mit ehm steht.

## Verwalter

(im Abgehen)

Ah, des wird er scho einsegn, daß aner, dern Milzbrond  
hot, den Weg net modra kon.

(Verwalter und Päditer ab)

## Wittib

(begleitet sie bis zur Türe, dann geht sie zur Türe links und schiebt den  
Riegel zurück)

## Peterl

(im Sonntagskleid, mit Hut und Stock)

Zwegen wos host denn zuigspirrt? Sans mi denn net huhn  
kema? I sull do aufs Gsdilouß.

## Wittib

Jo, oba net zwegen da Uhr.

## Peterl

Net? Wos denn?

## Wittib

Dreihundat Gilden failen ehm.

Peterl

Dreihundert Guilden? Na, wo sans denn?

Wittib

Was waß denn i?

Peterl

Jo, host dus denn net?

Wittib

Bist narrisch? Wie kamet denn i dazui?

Peterl

Jo, wie sull i denn noch wahrsoagen?

Wittib

Was frogst denn mi!

Peterl

Dreihundert Guilden — God erborm, a schöns Göld! Do  
ließat si was außihaun fürs Wahrsoagen! — Du waßt nix  
— gor nix?

Wittib

Na, wonn i scho sog! Valegt wird ers hom, da Dadedl.  
Er is jo nimma redit beinond.



Peterl

Dreihundert Guilden! God erbarm, des hätt an Fufzga  
trogen, an blonken Fufzga! — Es is an Ölend auf da  
Wölt —! Weilst oba a so dumm bist —

Wittib

Hiazt grein no, jo —

Peterl

Is eppa net wohr? Tats ma eppa net an Fufzga trogen?  
Hättst di net scho längst aufs Gschlouß valegen kinna? I  
orma, kronga Mon, muß mi do mit de Bettelleut ogeben,  
God erbarm!

Wittib

Wos greinst denn mit mia?

Peterl

Weilst mi um mei Göld bringst, um an Fufzga — um an  
blonken Fufzga host mi brocht! God erbarm, des teire  
Göld! Wonn i denk, wia schwars is, eh ma si a Guilden-

zedel vadeant un do stehts Wei un loßt de Fufzga — de  
blonken Fufzga — zan Fensta außfliegen! O God, o God,  
o God, wos bin i do für a orma gschlogna Mon!

### Wittib

Hiazt hörst oba auf, sunst wirts ma zdumm! Net gmui,  
daß i mi für di plog un de schwarere Orbat tui —

### Peterl

Für mi plogst — hi hi! De schwarere Orbat tuist — hi  
hi! — Buglat wern! — Buglat wern! — An Kigrigihohn  
in a Kisten spirrn — schware Orbat — hi hi! — Hasen-  
häutl ins Kellaloch schmeißen — schware Orbat — hi hi!

Buglat wern — buglat wern!

### Wittib

Ah do schau her! Un dei Orbat, is de eppa schwarz? De  
trifft ans ols a Schlofata! Des Brumma un des saudumme  
Gred, Nurzawies — Paragrum!

### Peterl

So prowlers! Modt dus! Wonns nix weita is, als a

saudumms Gred, müßts a Wei jo bessa treffa! Prowiers,  
modi dus un paß auf, ob das wer glauben wird! Des  
schaut si nur so leicht on, oba dazui müß ma a Mon  
sein, un de Leut müssen a Vatraun zu an hom, daß ma  
ehna wos vormodia kon! flufs Vatraun kimmts on un des  
hon i, vastehst un net du!

Wittib

Wonns olsdann nur aufs Vatraun ankimmt, donn brauchst  
jo mi net dazui, donn konnst es jo allani riditen.

Peterl

Kon i a!

Zeisig

(ruft durchs Fenster)

Da Gschlougherr kimmt!

Peterl

Wo — wos sogst — da Gschlougherr? God erborm, wos  
will er denn?

Wittib

Seine dreihundat Guilden. No olsdann, do host es! Hiazt  
schau, wos d ausridtst mit m Vatraun!

Peterl

Um Godswülln, was fong i denn on? Der kimmt mi aus-  
frogen un i waß do nix! — Wo sans denn? Wer hots denn?

Wittib

Sogst do, daß aufs Vatraun onkimmt!

Peterl

Du wirst do net — des wor do nur so gredt! — Um  
Godswülln Wei, valoß mi hiazt net! Des bringt mi ins  
Loch! — God erborm — sog ma do um Godswülln, wo  
de dreihundert Guilden san!

Wittib

Himmelkruzi — i waß jo selba net! Valegt, sogen d Leut.

Peterl

Jo, was wüll er denn nodia vo mir? Wia sull i denn  
wissen — God erborm, was tui i denn do? — So red do,  
Wei — um Godswülln, i kon ehm do nix sagen — was  
sull i denn tuin?

## Wittib

Ah, er wird jo net — i hon ehm jo sogen lossen — mei  
Seel, do is er!

## Der Graf

(in mittleren Jahren, jedoch verheiratet, tritt durch die Mitte ein, nach ihm Zeisig)  
Lumpen sans! Da is er ja, der Peterl! Hab ja gwußt,  
daß er lebt. Wixen werd is lassen, wixen!

(zu Peterl, der sich drücken will)

Nix da — dableiben!

## Peterl

(kriechend)

Gnaden, Herr Graf, de Ehr —

## Graf

Sollst mir wahrsagen. Dreihundert Gulden san mir gestohlen  
worn — wos sind, wers hat, sollst wahrsagen!

## Peterl

Gnaden, da Herr —

## Graf

I laß meine Leut herkommen, alle zsamm. Sollst mir wahren sagen, wers hat, jetzt glei. Wennst es außerbringst, sollst an Fußzger haben.

## Wittib

Gnaden, Herr Graf derfens net übelnehma, oba mei Mon — es is holt a schware Sodi, des Wahrsogen, un es nimmitn a jedsmol so her — er is krong.

## Peterl

God erborm — God erborm — Gnaden, Herr Graf valongen mehr, ols i kon. I bin a orma kronga Mon, kon net essa — net trinka — net schloffa —

## Graf

Wa — wa — was sagt er?

## Zeisig

Daß er krong is. Er kon net essa, net trinka, net schloffa.

## Graf

Verlang i ja net! Wahrsagen soll er!

Peterl

God erborm, es richt mi zgrund. I bin a kronga Mon,  
den da Herrgod im Zurn mitn Milzbrond gschoffa hot.  
Wonn er mi pockt, waß i nix — kon i nix — bin i nix  
— hon i nix !

Graf

Wa — wa -- was sagt er ?

Wittib

Er kon net wohrsogen, weil ern Milzbrond hot.

Graf

Geht midt nix an. Er muß mir wahrsagen, wos Geld is ;  
wegen dem bin i herkommen.

Peterl

I bin a orma kronga Mon —

Graf

Triffst es, so kommts mir net drauf an, sollst sedizg  
Gulden haben, aber außerbringen mußts !

## Peterl

God erborm, des is mei Tod — mei ölendiga Tod — i  
bin a orma gschlogna Mon, dern Milzbrond hot — Hiazt  
hot er mi pocht — do stichts mi — do beißts mi — do  
zwickts mi — do reißts mi — des holt i net aus — des  
is mei End! Oweh, oweh — oweh, des is mei End!

(läuft herum)

## Graf

Was rennt er denn umi?

## Wittib

Hiazt hotn da Brond.

## Zeisig

Des geht vurbei. Mia hot ers a aso gmodit. Nocha hot  
ers do gwißt, wo meine Hasenhäutl worn. — Hörst Peterl,  
do hon i dan Wein brodit.

(Er stellt einen Krug auf den Tisch)

## Graf

Alsdern wirts amal? Meine Leut wern glei da sein. I will,



daßd mir den Diebischen außerfindst! I habs schon gsagt,  
es kommt mir net drauf an — metntwegen sollst an  
Hunderter haben.

Peterl

(lauff herum) God erborm — an Hunderter! — (für sich) un  
i waß nix! — (zur Wittib, leise) Na, sull ma di net daschlogen!  
(laut) God erborm, wonn i kunnt — wonn mi da Milz-  
brond net hätt!

Wittib

Leicht tats Gnoden, da Herr Grof aufschrieben auf a  
ondasmol.

Graf

Dazu hab i ka Zeit! Jetzt muß sein!

Peterl

O God, o God, o God, wos fong i denn on in mein Ölend!  
(leise zur Wittib) Wos sull i denn tuin, so red do?

Wittib

(leise) Wos waß denn i?

## Zeisig

(indessen zum Grafen)

Des ghört dazui zan Wohrsogen. Er hot a so a varruckts  
Tuin. — Erscht rennt er wia narrisch umi, donn kimmt  
da Geist auf ehm.

## Das Gesinde

des Grafen erscheint, die Wirtschafterin, der Knecht, die Magd, der Pächter  
und Verwalter durch die Mitte.

## Graf

Aha, da sans schon. Nur eini — nur eini, damit er den  
richtigen außergefinden kann.

## Verwalter

(leise zum Pächter) Wos sogt er?

## Pächter

(leise) Wos i befürcht hon, daß ern ausfindi modit.

## Verwalter

(leise) Glaub i net —

## Pächter

(leise) Leicht kinnan ma uns vaziegen.

## Verwalter

(laut) Mant da Herr Grof net a, daß wer aufs Gschlouß auffischaut — de Zimmerleut oben san ohne Aufsicht.

## Graf

Nix — alle bleiben da! Der muß außergfunden werden, denn aner von enk muß sein. Weil i aber kein a Unrecht antun will, hab i enk herkommen lassen, damit i da durch den seine Wahrsagerei erfahr, der weldie es is.

## Peterl

God erborm, Gnoden, Herr Grof i kon net —

## Graf

Was sagt er? Er kann net? Jetzt hab is satt. Holts mir  
n Bürgermeister!

(Knecht Mitte ab)

## Peterl

Um Godswülln, wos wüll er denn? I orma gschlogna Mon

— wia sull i denn wohrsogen, wonn i nix — wonn mi  
da Milzbrond hot!

**Graf**

Dafür bist der Wahrsager! Kannst es net, dann hättest dich  
net ausgeben sollen für ein Wahrsager — laß i didi einsperren!

**Peterl**

Einsperrn — Jessas, des a no —

**Wittib**

Wohrsogen kon er scho, des wissen de Leut. Do is glei  
a Zeugen, ders beweisen kon.

**Zeisig**

Jo, jo wohrsogen kon er. Er hot mas außiglesen aus sein  
Büchlel, wo meine Hasenhäutl worn — hots a troffa.

**Wittib**

Jo, oba nur Sodian, de den Leuten wegekema san. Wonn  
aner oba selba wos valegt hot, wia Gnoden, da Herr

Graf s Göld —

## Graf

Was sagts? Verlegt? Nix, nix, nix verlegt — wegkommen,  
gestohlen is mir worn!

## Bürgermeister

(und Knecht treten ein)

Gnaden, Herr Graf hom befohn?

## Graf

Gut is — da is er schon. Dreihundert Gulden san mir  
gestohlen worn. Er will mir net wahrsagen, wo s san, loß  
i n einsperren — einsperrt muß er wern!

## Peterl

Zwegen wos sull i denn einspirrt wern, wonn i n Milz-  
brond hon un net kon — net wohrsagen kon, weil er  
mi pakt hot.

## Graf

Er gibt sich bei die Leut für an Wahrsager aus und kann  
net wahrsagen, wenn mans braucht. Entweder er beweist,  
daß er ein Wahrsager is, oder er wird ins Loch gesteckt!

## Bürgermeister

Do hot da Herr Grof net Unrecht. Vom Omt hon i a n  
Auftrag kriegt, i sull ehna perichten, wias do zuigeht. Se  
wölln — scheint ma — a so wos, wia n Beweis, ob ers  
Redt hot, si für an Wohrsoger auszugeben.

## Graf

Na alsdern, da hammers! Beweisen — beweisen, oder  
ins Loch!

## Peterl

God erborm — beweisen! San gmui Leut im Ort, de mas  
bezeugen kinna, daß i ehna richti gwohrsogt hon.

## Wittib

(energisch)

Guit is — guit is! Wonns drauf onkimmt, daß dus  
beweisen sullst, so tuis — so tuis — so konnst es tuin!

## Peterl

(blickt sie erschreckt an)

Wo — wo — wos sull i?

Wittib

Dem Omt kimmts nur auf an Peweis on — den sulls  
Omt hom!

Graf

Na alsdern!

Wittib

Ein Peweis übahaupt, mants Omt — gut is! Da Post-  
mastrin is a guldne Uhr wegekema! Do konnst beweisen,  
obst wohrsogen konnst oda net.

Graf

Was sagts?

Peterl

God erborm — des is an Einfoll! I bin a orma kronga  
Mon, oba wohrsogen kon i! Wo de Uhr is, wir i wohrsogen!

Graf

Da — da — da is ka Red von aner Uhr! Dreihundert  
Gulden —

## Wittib

Damits Omt an Peweis hot — a guldne Uhr mit an Schweindl.

## Graf

Das geht mich nix an. Das is überhaupt a Sadi, die net herghört!

## Peterl

Do kimmts hiazt nur drauf on, wos Omt hom wüll! I mia nochsogen lossen, daß i net wohrsogen kon? — Hults de Postmastrin! I wüll ihr wohrsogen, wo de guldne Uhr hinkema is — hults de Postmastrin, sog i!

## Zeisig

(will abgehen)

## Graf

Wirst net! — Dableiben! — Daß sich keiner untersteht!

## Peterl

God erborm, wohrsogen wüll i un er loßt mi net! —  
Ös hobts ghört, daß i wohrsogen wüll, wo d Uhr is —  
hults de Postmastrin!



**Graf**

Die hat da nix z tun! — Das erlaub i net —

**Peterl**

Wonn oba de Postmastrin wissen wüll —

**Graf**

(zornig)

Die braucht nix z wissen!

**Wittib**

Jo, oba a Uhr, de bei ihr wegekema is —

**Graf**

(wütend)

Geht sie nix an!

**Bürgermeister**

(vermittelnd)

Do, man i, is da Herr Graf net gonz im Recht. Wonn de Postmastrin ehm gschofft hot, ihr wohtzsogen, wo de Uhr is —

**Graf**

(schreit ihn wütend an)

Zum Deixel mit dera Uhr! Die Postmeistrin is a dumme

Ursdiel! Die hat nix zschaffen! Da hat überhaupt niemand  
was zschaffen, als i! Und i will wissen, wo mein Geld is.  
Dreihundert Gulden san doch mehr, als so a dalkete Uhr  
— als so a miserable — so a hundsmiserable dalkete

Deixelsuhr!

**Bürgermeister**

(zu Peterl)

No jo, wonn da Herr Grof scho selba kema is, mußt ehm  
wohrsogen, vasteht si.

**Peterl**

Kon i net, weils a valegte Sodi is — God erborm — do  
gspür i nix — bei ana valekten Sodi gspür i nix!

**Graf**

Gstohlen is — aus der Tischiad weggstohlen! Habs Geld  
gestern auf d Nacht einiglegt und heut früh, wie i nach-  
schau, is weg — weg!

**Bürgermeister**

Jo, wonns a so is, freili donn mußt wohrsogen.

## Wittib

(holt den Korb vom Ofen, leise zum Bürgermeister)

Do im Korb hon i da was zsammgstellt. Wonns Wei krong  
is, kimmt nix rechts vum Herd. I schick das donn umi.

## Peterl

Oft glaubt ma, es is was gstohlen, daweil liegts wo vasteckt.

## Graf

I hab alles absucht. Es is kein Winkel im Zimmer, wo i  
net nachgschaut hätt — weg is — gstohlen is!

## Peterl

God erborm, wia kon denn des sein — i gspür nix —

## Graf

Du hast zu beweisen, daß d wahrsagen kannst. Da steht  
der Bürgermeister, der vom Amt den Auftrag hat.

## Wittib

(leise zum Bürgermeister)

A Wein un a Guglhupf.

## Bürgermeister

Des is scho richti, er muß beweisen. Wonn er oba sogt,  
daß er da Postmastrin —

## Graf

(nervös)

Wenn einer ein Wahrsager is, so muß ers können, bei mir  
grad a so, wie bei ein andern.

## Bürgermeister

Freili wul.

## Graf

Das is grad a so, wia wenn einer sagt, er is ein Reiter,  
aber nur auf sein Roß! Is das ein Reiter? — Na! — Is  
das ein Wahrsager? — Na! Hlsdern ins Loch mit ihm!

## Bürgermeister

Do hot da Herr Graf eigentli Recht —

## Wittib

(raunt ihm zu)

Grammeln san a dabei!

## Bürgermeister

Oba s Omt wüll nur de Grammeln — ah den Pescheid  
— den Pescheid hon i sogn wölln, daß er wohrsogen kon,  
obs hiazt fürn Herrn Grofen oda de Postmastrin is.

## Graf

Kreuzdividomini, hiazt hab is satt! Willst mir wahrsagen  
oda net? — Die Anzeig mach i — mein Seel, i selber  
fahr eini und zeigs an — er muß einsperrt werden!

## Wittib

(leise zu Peterl) Sog jo!

## Peterl

(leise) Oba —

## Wittib

(leise) Zlags umi — i vastecks dawell.

## Peterl

(leise) Oba er wüll do wissen —

## Wittib

(leise) Red so umi — d Hauptsodi is da Burgamasta un  
mit dem wern ma scho firti.

## Peterl

(leise) Guif is! — Hinterm Gortentürl. — Tummel di!

(laut) God erborm, weils denn net ondersch is — s geht on!

## Wittib

(unbemerkt Mitte ab)

## Graf

Na alsdern! Sollst ein Hunderter haben, wennst es erratst  
aber ausfindig mußt n machen — s Geld allein tuts net  
— den, ders hat mußt ausfindig machen!

(zum Gesinde)

## Stellts enk auf!

(Er ordnet seine Leute, der Verwalter und der Pächter stehen im Hintergrunde. Der Graf stellt sie an den linken Flügel zur Nische zu, so daß der Verwalter als erster, der Pächter neben ihm als zweiter, der Knecht als dritter, dann Magd und Wirtschafterin in der Reihe von links nach rechts stehen. Dann begibt sich der Graf in die Mitte, wo ihm Zeisig einen Stuhl zurechtstellt, auf dem er Platz nimmt.

Der Bürgermeister setzt sich auf die Bank, wobei er den Korb neben sich stellt.

Zeisig setzt sich zu ihm.

Indessen führt Peterl den gleichen Vorgang aus, wie früher, nur mit größerer Wichtigkeit und Feierlichkeit. Während desselben schleicht sich der Verwalter nach rechts und stellt sich zwischen Magd und Wirtschafterin. — Des Gesindes bemächtigt sich eine augenscheinliche Aufregung, besonders wie Peterl die Nische rasch verläßt, die Reihe zählend abschreitet und ordnet, indem er einzelne etwas vor oder zurückstellt. Dann eilt er in die Nische und schiebt den Vorhang zu.)

### Peterl

(hintern Vorhang) God erborm — God erborm — Nurzawies  
— des is gwiß — (Murmeln) — Paragram — rundumatum  
— Diridus — weils sein muß — So? — Jo! — Gle  
wern ma n hom! (Murmeln)

### Graf

Was sagt er? Gle wird ern haben?

### Peterl

(hintern Vorhang) Da Gschloußherr, jo — in selbiga Person,  
jo — (Murmeln) da Herr Graf — Nurzawies — des is  
gwiß — dreihundat Guilden — Paragram — rundumatum

— glei da erschte — Diridus, da erschte — Wos is? —

Net in Urdnung? — Wern ma glei hom!

(Er reißt den Vorhang zurück und stürzt hervor. Das Gesinde fährt erschreckt  
durcheinander)

Bagasch übranond! Kinnst net in Urdnung bleiben? Wer  
war da erschte?

(er faßt den Knecht an)

Knecht

I net — do da Pochta!

Peterl

(faßt den Pächter)

Du worst da erschte?

Pächter

(erschrocken)

Wos — i — da erschte? — Na — der vur meina hot  
a sdio n Howa wegatrogn!

Graf

Was sagt er? n Hafer wegtragen?



**Pächter**

Mit m Göld oba hon i nix z tuin!

**Peterl**

Wer da erschte wor, wöll i wissen! Diridus, da erschte!

**Knecht**

Da Podita!

**Magd**

Da Vawolfa!

**Verwalter**

Wer — i? De Saudirn daschlog i! Des sogts, weil is dawischt hon, wias de Oar aus da Komma wegatrogn hot.

**Graf**

Was sagt er? Die Eier hats wegtragen?

**Magd**

Ah, do schauts her! Da schlechte Kerl! So long i n in mei Komma hon einlossn, hon i wegatrogn kinna, wos i hon wölln. Hiazt, seit er de Wettefl hot, steckt er der ollas zui!

### Wirtschafterin

O du godvalogne Person du! Wos hot er mia denn scho  
zuigsteckt?

### Magd

Manst, i waß net? Hon i dos selba gsegn, wiast für dein  
Vodan de Hosen vom Herrn Grofen hamtrogn host!

### Graf

Was sagts? Meine Hosen hats wegtragen?

### Peterl

God erborm, Diridus, da erschte!

### Wirtschafterin

So a lug! Eifern tuits — eifern, weils waß, daß er mi  
heiroten wird. Des wird er a un damitst es glaubst —  
do schau her — daß di da Neid zafrißt — den Ring hot  
er ma gebn!

(Zieht einen Ring aus der Tasche und hält ihn der Magd vor die Augen)

### Magd

Do host! (schlägt ihr den Ring aus der Hand)

**Zeisig**

(hebt den Ring auf)

**A guldnas Ringel!**

**Graf**

(nimmt ihn)

Ja das — das is ja der Verlobungsring meiner Seligen!

**Peterl**

God erborm — hiazt gehts — ma braudit nur onzklopfa  
— Diridus, da erschte!

**Magd**

Zwegen an Ring heiroten, ha — ha!

**Wirtschafterin**

Und a neidis Klad hot er mia vasprocha un a Göld —

**Verwalter**

(reißt sie zurück)

Wirst es Mäul holten!

**Peterl**

A Göld — God erborm — vum Göld hots gredt — do

is scho — Nurzawies — des is gwiß — drelhundat Guilden  
— do sans scho — Diridus, da erschte!

Graf

Wo sans? Wer hats?

Peterl

(zeigt willkürlich herum)

De do — der do — der do — de do — Nurzawies —  
Paragram — Diridus!

(Sich getroffen fühlend, schreien die fünf durcheinander)

Knecht

I hons net! Für jeden Sock Howan, den i zan Veitel trogn  
hon, hot ma da Rodta an Zwanzga gebn.

Pächter

s Göld hon i net. Uur meina is da Uawolta dogstonden.  
Der wor da erschte!

Magd

Jo — er is — da schlechte Kerl! Unterm Bett — in a  
Truchn hot ers.

## Peterl

(kreischt, alle übertönend)

In da Truchen!

## Wirtschafterin

Da Neid — da Neid, weil ers nimma mog — weil ers  
sitzen hot lassen, de Person! — De Person!

## Verwalter

Boßts mi zuwi! Boßts mi zuwi! — Daschlogn tui s, de  
valogne Dirn de!

(Handgemenge)

## Wittib

(tritt durch die Mitte ein und bleibt beobachtend stehn)

## Peterl

Holtsn zruck — God erborm — holtsn zruck! — Diridus  
— da erschte! — Wohrsogen wüll i! — Gnoden, dem  
Herrn Grofen wüll i wohrsogen, wo seine dreihundat  
Guilden san!

## Graf

(ängstlich)

Um Gottswillen, schafft's es außi, sie wern rabiat! Bürger-  
meister, mach a Ordnung!

## Bürgermeister

(vortretend)

Werds an Fried geben! Fusanonda do, oda i ruf n Wodita!  
Wißts denn net, daß Raffa vaboht is? Des is gegen d  
Urdnung, des leid i net!

(Es tritt Stille ein)

Da Herr Graf möcht wissen, wer vun enk do a Diab is?

## Peterl

Wohtsogen wüll i, wo de dreihundat Guilden san! An  
Hundata hot er ma vasprodien! Ös hobts es ghört — du  
un du un du!

## Wittib

(verfolgt die Vorgänge mit dem Ausdruck großer Überraschung)

## Graf

Wo is Geld? In a Truchen unterm Bett?

6555-6-SB  
5-16  
C

## Peterl

Wir i wohrsogen — wir i wohrsogen! — Ollas wir i  
wohrsogen — Diridus — God erborm — an Hundata!

## Verwalter

(schleiddt Mitte ab)

## Zeisig

Da Dawolta rennt weg!

## Peterl

Halts n auf! Halts n auf, er schaffts Göld weg!

## Pächter

Halts n auf! Halts n auf!

(laufft ab)

## Wirtschafterin

Net, loß n! — loß n!

(ab)

## Magd

Halts es auf! Se hülfet ehm s Göld vasteckta!

(ab)

Graf

s Geld verstecken? Ja, wer hats denn?

Peterl

Da Uawolta — in da Trudien unterm Bett — hon i do  
gwohrsogt!

Graf

Der Verwalter? Ja, wie is denn das möglich? Dem hab  
i ja traut!

Peterl

(schreit) Aufhalten! Aufhalten!

Knecht

I huls — (schreit) Halts s auf!

(läuft ab)

Peterl

(am Fenster) Do rennans hin — God erborm — ans nodt  
m ondern, daß staubt! Da Podta vuran — nur zui! —  
Nur zui! Glel wird ern hom — God erborm, hiazt fliegt  
da Uawolta hin! (freudig) Da Podta hotn scho — hotn



sdio! — (gespannt) God erborm, was? (zweifelnd) Er bringt  
n net zruck? — Er -- er geht mit ehm weita? (jammernd)  
Se gengan zsamm — se gengan zsamm weita! God erborm,  
Go — (wieder voll Hoffnung) Ah, de Dirn — de Dirn hots  
einghult! (enttäuscht) Wos, de geht a mit? — Und da Knedt  
a? (jammernd) Ma bringt man net zruck! (vom Fenster weg)  
So hülfst ma do! Ma bringt man net zruck — er schaffst  
Göld weg!

### Bürgermeister

Des geht uns nix weita on. Du host es außbrocht, wers  
Göld gstohlen hot und wos is. Hiazt waß da Herr Grof,  
wer da Diab is un dorum wors ehm z tuin.

### Graf

Der Verwalter sagst? Ja — aber — das war ja der  
einzige, dem i traut hab!  
(wendet sich zum Bürgermeister)

### Wittib

(zu Peterl, halblaut)  
Jo is denn richti wohr? Du host es außbrocht?

Peterl

(stolz) I — i — gonz allani — ohne deine!

Wittib

Wie is denn des mögli?

Peterl

Weil du ma net ghulpen host, manst? I brauch weita dei  
Hülf! — Ols ob i überhaupt amol drauf ongstonden war!

Wittib

Jo — oba — du host do nix gwißt. Wie host es denn gmodit?

Peterl

Des is gonz allani mei Sodi — vastehst! überhaupt —  
zwischen uns is aus!

(wendet sich ab)

Wittib

Oba Mon — Peterl —!

Peterl

flus is! — I hon gredt!

## Graf

Was tu i denn jetzt? I muß n doch wegjagen oder gor einsperren? — Jo jo einsperren. Was meinst denn Bürgermeister?

## Peterl

Des kon da Herr Graf macha, wia er wüll. Do is nur die Red hiazt, ob is außbrocht hon — ob is bewiesen hon, daß i wohrsogen kon oda net.

## Bürgermeister

(den Korb am Arm)

So is! Zwegen dem bin i do. I hon dem Omt den Pericht zgeben, wias do zugeht mit m Peterl seiner Wohrsogerei und i kon sogen: Ollas in da schönsten Urdnung! I kon do a den Herrn Grofen ols Zeugen ongeben?

## Graf

Das kannst. Ja. Der Peterl hats außbracht, er soll sein Hunderter haben. — Daß aber der Verwalter —  
(im Begriffe, mit dem Bürgermeister abzugehen)

## Peterl

(jubilend) An Hundata! (zur Wittib hochmütig) An Hundata —  
das vadean i, wonn i allani orbat! No, wer hot denn  
hiazt de schwarere Orbat gmodt, hm?

## Wittib

Jo — jo — i hon do net gewißt, daß du wohrsogen konnst!

ENDE.



University of Connecticut Library  
Storrs, Ct



University of  
Connecticut  
Libraries

---

the  
university of  
connecticut  
libraries



